



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronicon M. Theodorici Engelhusii

Engelhusius, Theodoricus

Helmeſtadi[i], 1671

Praefatio Ad Lectorem.

urn:nbn:de:hbz:466:1-10979



PRÆFATIO AD LECTOREM.



Vi nominum haud malorum mos esse solet, BENEVOLE LECTOR, ut si non summam omnem, quam debent, ad constitutam diem, saltem partem ejus creditoribus solvant, quo vel sic tandem ære alieno exeant: hunc si ego in promissis à me hæctenus Germanicæ rei Scriptoribus retineam, neminem æquum & cordatum mihi vitio id daturum spero. Decem videlicet jam intercesserunt anni, cum Scriptorum Insignium à CL. TRITHEIMIO prætermisissorum, (eorum cum primis, qui in Academiis tribus inchoyis, Lipsiensi, Wirtebergenfi & Francofordiana ad Oderam, doctrina nobiles & clarifuerunt) Auctoris cujusdam Incerti Centuriam edens, (a) me prima quaque occasione additurum pollicitus sum ejusdem notæ Centuriam alteram, à quodam Hildesheimensi, ut tum visum est, Monacho, ipsi Tritheimiano Codici impresso adjunctam: simul & Chronica, Monasteriorum fundationes, & Diplomata varia, partim à Viris Amplissimis, istarum rerum intelligentibus, pro ipsorum in me benevolentia, humanissime mecum communicata, partim proprio labore, è tenebris, situ & squalore, quibus immersa jacebant, à me eruta. Quod quidem in hoc usque tempus ita successit, ut licet non omnino ex voto

a. Helmsta
di A. 1660.

):(2

fluxe-

P R A E F A T I O

fluxerit, tamen vix unus aut alter præterlapsus sit annus, quo non eorum aliquid evulgaverim, atque fidem meam liberare pro virili sim annisus. Nunc vero M. THEODORICVM ENGELHVSIVM, Scriptorem seculi XV. industrium & doctum, (cujus Imperatores tantum aliquot, ad Serenissimam Ducum Brunsvicensium & Luneburgensium Domum spectantes in Antiquitatibus meis Brunsvicensibus tum proxime edebam b) emitto integrum: qui quantam curam adhibuerit, ut hoc Opus suum, quantum in se erat, excultum, atque lectissimis quibusque floribus hinc inde conspersum, in lucem prodiret; testantur, quos passim citat, Scriptores illustres, à me in catalogo subnexo representati: ex quorum hortulis indefesso studio nihil non decerpfit, quod ad ornatum illius videretur facere. Testantur etiam, quibus in hac editione adornanda usus sum MSS. quatuor, quorum unum semper altero fuit perfectius atque limatius; ut adeo usque ad vitæ finem, quod de Platone sapientissimo Dionysius scripsit Halicarnensis, illud peccare fortean atque calamitistrare non desierit. Nec enim solum, quod Vir Magnificus Hermannus Conringius, Academiae Iuliae [quod diu adhuc velit esse Deus] splendidissimum sidus, benigne suppeditavit; recensitum, ut præfatio arguit, anno ejus seculi XXVI. locupletius erat & Lansbergiano & Hoffmanniano MS-tis, [ut dicto etiam indicavi libro] sed & longe superat, quod haud ita pridem obtulit, tribus annis ante, nimirum 1423. ut Epilogus annexus ostendit, collectum & scriptum, Nobilissimus

b. Helmst.
1661.

AD LECTOREM.

simus Ictus, Simon Finckius, Aule Serenissimi Brunsvicensium ac Lunenburgensium Ducis Blancoburgicae Consiliarius: ut movere Te, AMICE LECTOR, non debeat, quæ ex hoc in fine Chronici à me itidem rejecta est præfatio; ut quæ tota tum temporis, quando exemplar illud divulgabat Autor, ex Vincentio Bellovacensi videatur expressa: qui & Ordinis Prædicatorum fuit Monachus, & Friderici II. temporibus vixit, & Speculi etiam Historialis, Doctrinalis, Moralis ac Naturalis vocibus in opere suo disponendo usus est. De patria Auctoris, ut ut in hac Inferiore Saxonia indubitato vixerit, non equidem ausim quidquam nunc definire; quanquam Eimbeccensem ipsum vocent Praclarissimi Viri Guilielmus Budæus, & Henricus Meibomius; ille quidem in Vita Alberti II. c. Halberstadensis Episcopi, & Brunsvicensium Ducis; hic vero in Catalogo Scriptorum ex quibus Chronicon Brunsvicense C. L. Buntingii d. auxit atque correxit: præsertim cum Johannes Letznerus, Vir, si quis alius, in ejusmodi curiosus & diligens, parte I. libri VI. Chronici Dasselensis, e ubi data opera de Eimbeccensibus claris agit, ne minimam quidem ejus faciat mentionem, imo nec cognitum eum habuerit, cum opus illud scriberet. Quamvis alias, ceu ex Catalogis Testium veritatis Matthiæ Flacii f. & Simonis Gulartii g; tum ex Bibliotheca Iohan Jacobi Frisii, h. & libro III. de Historicis Lat. Iohan Gerhardi Vossii, i. videre est, non plane latuerit, sed & lectus à multis

e. Edit. Halberst. An. 1624. p. 98.

d. edit. Magdeb. 1620.

e. edit. Erfurt. 1556.

f. pag. 761. edit. Basil. 1556.

g. pag. 191. edit. Geneva. 1608.

h. pag. 776. i. pag. 801. edit. Lugd. Bat. 1651.

PRAEF. AD LECTOREM.

tis præstantibus sit viris, & maxime apud eosdem fuerit dignationis; ut item edere ipsum ex Bibliotheca CL. Neandri, hoc nostro seculo aggressus sit, quem jam memoravimus, Guilielmus Budæus Medic. D. & Physicus Halberstadenſis; præ inani tamen ut plurimum nimisque rugosa crumena, sicut ipse loquitur, à proposito mox deterritus: scripseritque laudati modo Meibomii, quem & nomine refert, Celeberrimus Nepos, exemplum quoddam hujus Chronici MStum, ex Codice vetusto anno 1643. descriptum (præterquam quod anonymus ille descriptor, se vidisse & Commentarium Engelhusii in Psalmos, & Vocabularium, in fronte ibidem notaverat) Ultrajecti se præſente publica auctione fuisse divenditum: ut proinde pluribus in locis atque bibliothecis inveniri illud, ac forte ornatius inde protrahi aliquando in lucem posse, haud diffitear. Interea, dum hoc sive à me, sive ab alio fiat, Tu LECTOR HUMANISSIME, hac opera nostra frueri, nobisq; porro favens, bene ac feliciter VALE.



CATA-